

雷祖消災佑民法懺

雷祖消災佑民法懺

開玄闡秘宏教真君柳守元敬演
起讚

神霄雷祖帝九天普化君
談道跌九鳳持法騎麒麟
統攝聖嶽將掌令判雷霆
能以智慧力制伏諸魔精
濟度長夜魂利益於衆生
如彼銀河水千眼千月輪
消災並度厄稱名誦寶經

淨心神咒

太上台星 應變無停 驅邪縛魅

保命護身 智慧明淨 心神安寧

三魂永久 魄無喪傾

淨口神咒

丹朱口神 吐穢除氛 舌神正倫

通命養神 羅千齒神 却邪衛真

喉神虎賁 氣神引津 心神丹元

令我通真 思神鍊液 道炁常存

淨身神咒

靈寶天尊
安土土地神咒
普告萬靈
嶽瀆真官
五臟玄冥
青龍白虎
隊仗紛紜
朱雀玄武
侍衛我真
土地祇靈
左社右稷
不得妄驚
回向正道
內外澄清
各安方位
備守壇庭
太上有命
搜捕邪精
護法神王
保衛誦經
皈依大道
元亨利貞

淨天地神咒

天地自然
穢氣分散
洞中玄虛

晃朗太元
八方威神
使我自然

靈寶符命
普告九天
乾羅怛那

洞罡太玄
斬妖縛邪
度人萬千

中山神咒
元始玉文
持誦一遍

却病延年
按行五嶽
八海知聞

魔王束首
眞聖衛軒
兇穢消散

道氣成全

金光神咒

天地玄宗 萬炁本根 廣修億劫
證吾神通 三界內外 惟道獨尊
體有金光 覆映吾身 視之不見
聽之不聞 包羅天地 養育羣生
誦持萬遍 身有光明 三界侍衛
五帝司迎 萬神朝禮 役使雷霆
鬼妖喪胆 精怪亡形 內有霹靂
雷神隱名 洞慧交徹 五炁騰騰
金光速現 覆護真人

祝香神咒

道由心洽 心假香傳 香爇玉爐
心存帝前 眞靈下盼 仙旆臨軒
令臣關告 徑達九天

天皇神咒

天皇天皇 普化十方 無禱不應
無求不祥 釀陽醞陰 萬古垂光
順吾者生 逆吾者亡 玉文寶篆
誦之吉昌 司命守戶 不得隱藏

臣等誠惶誠恐稽首頓首
奏啓

至真無上道寶太上三境三尊
至真無上經寶三十六部尊經
至真無上師寶玄中大法宗師
聖父浮黎元始天尊明魔上帝
聖母玉清神母元君飛魔上仙
昊天金闕萬天至尊玉皇上帝
九天開化掌劫天尊后土大帝
瑤天紫極支天上聖斗姥元君
萬雷宗主勾陳上宮天皇大帝
萬星教主紫薇星宮北極大帝

東華木公碧海真師少陽帝君
西華金母宏慈太妙無上元君
天地始炁五方五老統御帝君
至皇至道貞明上聖雷祖大帝
南極壽星統天元聖長生大帝
東極慈父尋聲救苦青玄上帝
西極太華琅霄天府昭化大帝
北極法主玉虛師相玄天上帝
十方三十二天天主帝君
九霄三十六天至真上聖

上清日月星斗萬象羣真
天地水府三元三官大帝
萬山宗主五方五岳大帝
赤皇上品三炁洞陽大帝
主瘟天府慈救旻天大帝
九天開化保德宏仁大帝
三界伏魔靈佑協天大帝
青陽啓派紫府東華帝君
正陽傳道飛行救劫帝君
華蓋掌道警化孚佑上帝

句曲上真三茅應化真君
大羅班首三教總司帝君
泰玄都省正一顯佑帝君
天樹都省垂恩廣教帝君
天樞都省淨明普化帝君
天醫都省好生普救帝君
上玄都省龍門演派帝君
玉樞啓教雷師皓翁真君
雷霆都省卿師使相真君
雷部侍郎隆恩宏濟真君

玉樞右宰開玄宏教真君
清微靈寶道德諸派師真
正一天仙龍門嗣教真人
天神龍水社五部雷神
素車白馬監經大將軍
九天雷門諸大使者
風伯雨師電母神君
雷霆諸司院府官君
雷府效命帥將吏兵
三界萬靈十方真宰

玉樞經會無鞅真仙

悉仗真香普同供養（入意）

至心皈命禮

九天應元府。無上玉清王。化形而滿
十方。談道而跌九鳳。三十六天之上
。閱寶笈考瓊書。千五百劫之先。位
正真權大化。手舉金光如意。宣說玉
樞寶經。不順化作微塵。發號疾如風
火。以清淨心而宏大願。以智慧力而
伏諸魔。總司五雷。運心三界。羣生

父。萬靈師。大聖大慈。至皇至道。
九天應元。雷聲普化天尊。

臣等伏聞。

無古無今。大道行不言之教。有情有
性。聖人任無爲之功。三才爰以奠居
。六氣因之順布。開張萬範。未嘗諄
諄然以命人。鼓鑄羣倫。不聞敝敝然
而事物。原造化之所以妙。非雷霆而
孰能然。恭惟
九天應元。雷聲普化天尊。元始分真

。玉清應化。發廣大願。存清淨心。
超千五百劫之先。位三十六天之上。
周偏而道廣。淵默而聲闕。故能消息
四時。榮枯萬類。不言而令自信。無
爲而化自成。臣等宿沐鈞陶。極深向
慕。敬觀玉經垂訓。銘諸肺肝。更覩
寶篆成章。燦然心目。謹抒素志。特
啓瑤壇。禮睿號於諸天。仰神功於浩
劫。大衆同聲。虔恭頂禮。

至心朝禮

高上道寂天雷聲普化天尊
高上陽歧天雷聲普化天尊
高上洞光天雷聲普化天尊
高上紫冲天雷聲普化天尊
高上玉靈天雷聲普化天尊
高上清虛天雷聲普化天尊
高上微果天雷聲普化天尊
高上正心天雷聲普化天尊
高上道元天雷聲普化天尊
高上太皇天雷聲普化天尊

高上玄冲天雷聲普化天尊
高上極真天雷聲普化天尊
高上梵炁天雷聲普化天尊
高上輔帝天雷聲普化天尊
高上玄宗天雷聲普化天尊
高上歷徧天雷聲普化天尊
高上左罡天雷聲普化天尊
高上主化天雷聲普化天尊
高上符靈天雷聲普化天尊
高上保華天雷聲普化天尊

高上天婁天雷聲普化天尊
高上天慶舍天雷聲普化天尊
高上天希玄天雷聲普化天尊
高上天浩帝天雷聲普化天尊
高上天廣宗天雷聲普化天尊
高上天安壇天雷聲普化天尊
高上天丹精天雷聲普化天尊
高上天景琅天雷聲普化天尊
高上天青華天雷聲普化天尊
高上天定精天雷聲普化天尊

高上變仙天雷聲普化天尊

高上昇玄天雷聲普化天尊

高上敬皇天雷聲普化天尊

高上移神天雷聲普化天尊

高上瓊靈天雷聲普化天尊

高上昇極天雷聲普化天尊

讚

雷祖大帝玉清真王十方普化妙難

量說法度無鞅威令昭彰

億劫佐虛皇

大聖總司五雷大天尊三稱

至心皈命禮

總九霄梵炁。御七寶層臺。發宏願以
度人。出妙經而傳世。以一卷數章而
演道。欲接希仙。指九靈三精以示人
。俾知鍊氣。大悲大願。大聖大慈。
九天應元。雷聲普化天尊。臣等式憑
睿號。皈命高真。切慮無始以來。或
犯不忠君王。不孝父母之罪。謹對道
場。一心懺悔。

至心朝禮

九天應元雷聲普化天尊九拜

至心皈命禮

燮調七政。控制五行。正遲留伏。逆
於星躔。解尅戰刑。衝於天度。化由
斯普。不言而信。不怒而威。感則必
通。何福不臻。何災不滅。大悲大願
。大聖大慈。九天應元。雷聲普化天
尊。臣等式憑睿號。皈命高真。切慮
無始以來。或犯不敬師長。不友兄弟

之罪。謹對道場。一心懺悔。

至心朝禮

九天應元雷聲普化天尊九拜

至心皈命禮

隨機赴感。應念垂慈。化身如月印千
江。生意若春回萬物。解冤債於神鄉
鬼趣。病起膏肓。制官符於地煞天星
。災消訟吻。大悲大願。大聖大慈。
九天應元。雷聲普化天尊。臣等式憑
睿號。皈命高真。切慮無始以來。或

犯不誠夫婦。不義朋友之罪。謹對道
場。一心懺悔。

至心朝禮

九天應元雷聲普化天尊九拜

至心皈命禮

挈持天紀。把握地樞。土皇歸統轄之
中。神煞在指揮之下。卜居安宅。無
陰陽禁忌之憂。保產全嬰。有嗣續蕃
昌之喜。大悲大願。大聖大慈。九天
應元。雷聲普化天尊。臣等式憑睿號

。皈命高真。切慮無始以來。或犯不
畏天地。不懼神明之罪。謹對道場。
一心懺悔。

至心朝禮

九天應元雷聲普化天尊九拜

至心皈命禮

統臨三界。掌判五雷。萬魔震怖於天
威。諸將肅承於帝命。鳥妖蛇孽。難
當霹靂之轟。邪術巫風。敢犯延猷之
考。大悲大願。大聖大慈。九天應元

。雷聲普化天尊。臣等式憑睿號。皈
命高真。切慮無始以來。或犯不禮三
光。不重五穀之罪。謹對道場。一心
懺悔。

至心朝禮

九天應元雷聲普化天尊九拜

至心皈命禮

仁能博愛。威可遠加。水陸恃此以無
虞。幽明賴之而獲濟。豁超沈痼。凡
瘟瘴蟲毒癘瘵以皆除。保庇行藏。何

盜賊虎狼蛟龍之足慮。大悲大願。大
聖大慈。九天應元。雷聲普化天尊。
臣等式憑睿號。皈命高真。切慮無始
以來。或犯不信道德。不尊經懺之罪
。謹對道場。一心懺悔。

至心朝禮

九天應元雷聲普化天尊九拜

至心皈命禮

平調二炁。斡運四時。救水火之漂焚
。制陰陽之淫泆。三災不起。民無夭

橫之虞。百穀用成。歲有豐穰之慶。
大悲大願。大聖大慈。九天應元。雷
聲普化天尊。臣等式憑睿號。皈命高
真。切慮無始以來。或犯姿意貪饕。
設心偷盜之罪。謹對道場。一心懺悔。

至心朝禮

九天應元雷聲普化天尊九拜

至心皈命禮

說經救世。垂教觀星。朝三台免刑獄

之災。禮二帝齊神仙之壽。蓋九宸之
於北斗。共理樞機。而天罡之於雷城
。相爲表裏。大悲大願。大聖大慈。
九天應元。雷聲普化天尊。臣等式憑
睿號。皈命高真。切慮無始以來。或
犯懷藏奸險。耽溺邪淫之罪。謹對道
場。一心懺悔。

至心朝禮

九天應元雷聲普化天尊九拜

至心皈命禮

爲羣生父。作萬靈師。常浮遊於三界
十方。廣利益於芸生庶類。得聞聖號
。自然罪滅福生。若佩寶經。罔不神
欽鬼畏。大悲大願。大聖大慈。九天
應元。雷聲普化天尊。臣等式憑睿號
。皈命高真。切慮無始以來。或犯劫
奪爭鬪。殘害生靈之罪。謹對道場。
一心懺悔。

至心朝禮

九天應元雷聲普化天尊九拜

讚

仰朝法陸 瞻禮雷房 城門十二列天
罡 威烈贊天皇 徧禱穹蒼

兆庶沐恩光

大聖馮翼協贊諸天尊三稱

臣等伏聞

赤書玉字。元始開碧落以度人。鳳篆
龍章。雷師自神霄而闡教。恭惟
九天應元。雷聲普化天尊。號九天貞
明之大聖。乃玉清真王之化身。恩被

十方。德沾萬彙。統天三十六天。天
歸宰制之權。歷劫千五百劫。劫矢慈
悲之願。夙乎莫並。至矣難名。常運
三界於一心。尤仗衆勳而佈化。仰稽
三十六雷。玉樞玉府。神府天樞。上清玉柱。禹
步火雲。大洞火輪。大梵斗樞。璿樞
風火。飛捷神霄。劍火太極。北極仙
都。轟天太乙。灌斗紫微。紫府斬壙
。三界大威。六波八卦。鷹犬混元。

歟火邵陽。鐵甲青草。內鑑外鑑。社
令風雷。地祇鴉雷。大統攝雷。嘯命
風雷。玉宸諸雷。維茲燮理之司。分
贊天皇之政。以今既投誠於
帝座。合徧禮夫諸真。再竭丹忱。同
聲叩拜。

至心朝禮

萬法教主無上師尊

玉樞啓教皓翁師尊

東華教主仁聖師尊

正一天師神應張真君
神霄傳教救劫鍾離真君
神霄掌法孚佑呂真君
混元教主清虛葛真君
神功妙濟注生許真君
龍門演派妙行邱真君
混元教主統攝路真君
統攝天醫好生陶真君
三天掌教洛陽薩真君
神霄散吏海瓊白真君

天醫掌院普濟冷真君
清微教主調燮祖元君
清微教主協贊魏元君
洞玄傳教靜慧馬元君
雷部侍郎隆恩程真君
雷府贊功宏教柳真君
洞玄教主演法辛師真
先天主將都糾王天君
斗口護法都帥馬天君
斗口監察都睿趙天君

雷府都督昭武溫天君
雷府都統忠義岳天君
斗罡護法主雷鄧天君
雷霆都督判府辛天君
雷霆執法龍驤張天君
雷霆執法虎德陶天君
雷府護法混元龐天君
雷府護法洞神劉天君
九天護法雷門苟天君
九天護法雷門畢天君

雷城總轄月孛朱天君
雷府副護糾察王天君
九天護法監生高天君
雷府護法火德謝天君
雷府護法玉府劉天君
雷府護法轟烈寧天君
雷府護法佐領任天君
雷府護法神雷石天君
雷府護法虎邱王天君
雷府護法虎邱高天君

雷府護法仁聖康天君
雷府護法太歲殷天君
雷府護法忠靖張天君
雷府護法風輪周天君
雷府護法地祇楊天君
雷府護法先鋒李天君
雷府護法猛烈鐵天君
雷府護法豐都孟天君
雷府護法考校黨天君
雷兵統領英毅彭天君

雷兵統領韜略韓天君
雷兵統領驍勇許天君
雷兵統領威鎮典天君
監經使者素車白馬大將軍
掌管九天雷公將軍
掌管五方雷公將軍
掌管八方雲雷將軍
奉命五方蠻雷使者
奉命雷部總兵使者
雷府磨勘莫賺判官

雷府簽押掠剩司大夫
雷府清釐積逮司大夫
雷府提挈幽枉司大夫
雷府秉法報應司大夫
九天雷門使者曹官聖衆
九天糾錄典者曹官聖衆
九天廉訪典者曹官聖衆
東西華臺侍立使者
玄館妙閣從事諸真

回向

伏念福善禍淫。天地彰無私之化。赦
愆宥罪。雷雨顯作解之時。堪歎人處
塵寰。行爲愚昧。罔識天心仁愛。感
應昭彰。不開懺悔之門。焉沐慈悲之
澤。以今參禮雷陞。悉已周圓。徧謁
諸真。復同儼恪落惟願睿鑒昭回。靈
光響答。眚省災肆赦。除刑名於三十六
條。舊染維新。消罪障於百千萬劫。
三官不爲之鼓筆。五雷何有於勘刑。
更祝國祚延長。皇圖鞏固。陰陽順序

。三光全而寒暑平。風雨應時。五穀
熟而人民育。福資萬有。恩被十方。
學道希仙。瓊宮簡錄。超玄度祖。寶
籍遷神。病訟潛消。禍亂不萌。而諸
祥悉萃。行藏協吉。鬼妖滅爽。而庶
物咸寧。眷屬俱獲壽康。家門由斯興
旺。宜男保嗣。產鸞^敬鶯^族之菁英。干祿
求名。遂鯤鵬之變化。凡屬人心之有
禱。皆如經訓之所云。臣等不勝拜送
龍輿。感戴歡忭之至。爲上良因。再

申稱念。

玉清教主天尊三稱

玉光普照天尊三稱

雷聲普化天尊三稱 覃恩不可思議功德

收讚

慈悲雷祖元始心傳 金光如意妙重

玄威權布大千道秉真筌

高拱玉清天

大聖恩威無極大天尊三稱

太上雷聲普化天尊消災佑民法懺全

廣化弟子惠覺校訂

道香德香無爲香 無爲清淨自然香

寶香焚在金爐內 紅雲繚繞達蒼穹

十方三界悉遙聞 無量無邊同供養

供養道經師三寶 供養諸天大法王

敬刊

太上雷聲普化天尊消災佑民法懺樂助印刷費善長芳名

吳耀東捐壹仟元正

崔顯輝捐捌佰元正

何清泉捐陸佰元正

陳成昌捐陸佰元正

張漢之捐壹佰元正

朱潤海捐壹佰元正

省善真堂伍佰元正

尹啓釗捐伍佰元正

趙不動捐壹佰元正

李添成捐壹佰元正

郭伯偉捐伍佰元正

清善壇捐叁佰元正

鍾坤捐壹佰元正

林海捐壹佰元正

陳欽捐叁佰元正

梁鵬捐貳佰元正

李門葉道香壹佰元

徐秀枝捐壹佰元正

慶雲古洞貳佰元正

吳堅捐貳佰元正

朱道卿捐壹佰元正

周素玉捐壹佰元正

盧葦生捐貳佰元正

盧忠興捐貳佰元正

胡肇中捐壹佰元正

胡應賢捐壹佰元正

盧忠良捐貳佰元正

盧忠傑捐貳佰元正

羅巧燕捐壹佰元正

胡定欣捐壹佰元正

盧忠耀捐貳佰元正

盧劉桂珍貳佰元正

萬頤彭捐壹佰元正

陳盧妹捐壹佰元正

盧關慈活貳佰元正

盧徐美蓮貳佰元正

陳志明捐壹佰元正

陳忠明捐壹佰元正

盧杏蘭捐貳佰元正

盧坤儀捐貳佰元正

陳思明捐壹佰元正

陳瑞意捐壹佰元正

王英傑捐貳佰元正

王潔瑩捐貳佰元正

梁娟霞捐壹佰元正

陳家永捐壹佰元正

戴謙捐貳佰元正

吳楚明捐貳佰元正

陳家豪捐壹佰元正

陳詩婷捐壹佰元正

李威捐壹佰元正

趙耀捐壹佰元正

楊美梅捐壹佰元正

劉國基捐壹佰元正

崔湛捐壹佰元正

天后宮捐壹佰元正

劉志榮捐壹佰元正

劉秀嫻捐壹佰元正

劉國華捐壹佰元正

劉繼業捐壹佰元正

陳國平捐壹佰元正

劉凱欣捐壹佰元正

梁松合家壹佰元正

胡惠琮捐壹佰元正

李翠紅捐壹佰元正

劉成捐壹佰元正

鍾琮合家壹佰元正	黃燕嬌捐壹佰元正	葉	女捐壹佰元正	老蕃蓮捐壹佰元正
何燧成捐壹佰元正	何昭成捐壹佰元正	舒	妹捐壹佰元正	袁康全捐壹佰元正
何俊賢捐壹佰元正	何美儀捐壹佰元正	梁惠芳	捐壹佰元正	袁佩芬捐壹佰元正
郭媚珠捐壹佰元正	梁信金捐壹佰元正	袁佩雯	捐壹佰元正	袁佩儀捐壹佰元正
陳健豪捐壹佰元正	陳健偉捐壹佰元正	袁佩詩	捐壹佰元正	黃葆基捐壹佰元正
劉美田捐壹佰元正	陳沛權捐壹佰元正	黎勝蓮	捐壹佰元正	麥勤修捐壹佰元正
李漢笙捐壹佰元正	李漢威捐壹佰元正	徐效蓮	捐壹佰元正	麥蘭芬捐壹佰元正
劉美嬌捐壹佰元正	李溢順捐壹佰元正	麥培英	捐壹佰元正	伍麗華捐壹佰元正
朱詠儀捐壹佰元正	劉順娣捐壹佰元正	郭初合家	壹佰元正	梁民樂 ^兄 弟壹佰元正
朱鉅銘捐壹佰元正	陳詩琪捐壹佰元正	蕭筠蓮	捐壹佰元正	
陳俊偉捐壹佰元正	劉玉玲捐壹佰元正			

以上合共捐港幣壹萬陸仟佰元正

支付崔顯記印雷祖消炎佑民法懺壹仟本印刷費壹萬陸仟陸佰元正(收支兩訖)

(非賣品)

送經處：(一)香港大道西335-339號廿二樓雲泉仙館有限公司

歡迎翻印 功德無量 流通傳誦 福有攸歸

電話：五四七二五六九 五四零九九七七

道曆四六八三年歲次丙寅仲春 香港雲泉仙館藏版

(二)新界粉嶺坪輦路大埔田村 雲泉仙館道教圖書室電話：六七四

二一九四 六七四五一二八